



Ioannes ille Grienenuualder dictus, illegitimo thoro natus, filius ducis Bauariæ extitit. Hic in omni genere literarum optimè institutus Dectorum & Theologiæ Doctor factus est. Cum autè eo tempore, anno 1415. Concilium Constantiense celebraretur, ipse eò profectus ob insignem eruditionem magnum sibi nomen comparauit. Aliquoties etiam ad Iohannem Hussum perductus, cū eo de sacris literis contulit, atq; eum sibi repugnātem cum alijs hæreticum pronuntiauit. Itaq; tandē anno millesimo quadringentesimo uigesimo secūdo Episcopus Fruxinēsis electus fuit. In eo loco optimè rebus præfuit, atq; alios ad literarum studia ex-

citauit. Verùm Nicodemus Veronensis baro, quem Scalanum aut Scaligerū dicunt, fauore Martini pontificis fretus, ei per uiginti annos restitit, atq; Episcopatum uel retinuit. Cum autem ille tandem mortuus esset, Ioannes iterū ad Episcopatum uocatus redijt, ac illum per decem annos pacificè administrauit. Tandem ætate fessus anno millesimo quadringentesimo quinquagesimo tertio obiit, ac in sua Ecclesia sepultus quiescit.